

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINSKI SUD U TEŠNJU
Broj: 39 0 K 078127 25 K
Dana: 06.11.2025. godine

U IME FEDERACIJE BIH!

Općinski sud u Tešnju, sudija Bekrić Hidajeta, uz sudjelovanje zapisničara Mehinović Hidajete, u krivičnom predmetu optuženog M. A. zv. "Č.", sin I., iz V., ul. K. br. ..., zbog krivičnog djela Ugrožavanje sigurnosti iz člana 183. stav 1. Krivičnog zakona Federacije Bosne i Hercegovine, povodom optužnice Kantonalnog tužilaštva ZE-DO kantona Zenica broj T04 0 KT 0056715 24 od 15.07.2025. godine, nakon održanog javnog pretresa za izricanje krivično pravne sankcije, u prisutnosti tužitelja Kantonalnog tužilaštva ZE-DO kantona Ahmetlić Amre i optuženog, dana 06.11.2025. godine, donio je sljedeću:

P R E S U D U

Optuženi M. A., zvani „Č.“, sin I. i S. rođene S., rođen 22.05.1981. godine u V., nastanjen u ulici K. broj ..., grad V., pismen, sa završenom osnovnom školom, po zanimanju radnik, nezaposlen, živi u vanbračnoj zajednici, otac troje djece, Bošnjak, državljanin BiH, lošeg imovnog stanja, vojsku nije služio, JMBG: ..., osuđivan više puta,

K R I V J E

što je:

Dana 31.12.2023. godine, oko 08,50 sati, sa telefonskog broja 061/233-463 koji koristi A. A., uputio poziv prema telefonskom broju 061/186-938 koji koristi J. S. iz J., općina Tešanj, te tom prilikom ugrozio sigurnost ovoga ozbiljnom prijetnjom da će napasti na njegov život i tijelo, te da će ga ubiti i zapaliti ga, te da će zapaliti njegovu kuću i motorna vozila koja posjeduje, da će doći u Jelah kada se J. ne bude nadao njegovom dolasku, svjestan da će ovim prijetnjama prema istom izazvati osjećaj straha i ugroženosti kod istog, što je i htio,

čime je počinio krivično djelo Ugrožavanje sigurnosti iz člana 183. stav 1. Krivičnog zakona Federacije Bosne i Hercegovine, pa se na osnovu istih zakonskih odredaba i odredaba člana 43. i 49. Krivičnog zakona Federacije Bosne i Hercegovine

OSUĐUJE

Na kaznu zatvora u trajanju od 3 (tri) mjeseca

Optuženi se obavezuje na plaćanje sudskog paušala od 50,00 KM, a koji je dužan platiti u roku od 30 dana od dana pravosnažnosti presude.

O b r a z l o ž e n j e

Kantonalno tužilaštvo ZE-DO kantona Zenica optužnicom T04 0 KT 0056715 24 od 15.07.2025. godine optužilo je M. A. zbog krivičnog djela Ugrožavanje sigurnosti iz člana 183. st. 1. Krivičnog zakona Federacije Bosne i Hercegovine (u daljem tekstu: KZ FBiH) počinjenog na način, vrijeme i mjesto kako je to pobliže opisano u optužnici, temeljeći optužbu na dokazima koji su prikupljeni u istrazi i predloženi u optužbi.

Sudija za prethodno saslušanje ovog suda potvrdio je ovu optužnicu dana 18.07.2025. godine.

Na ročištu za izjašnjenje o krivnji optuženi, nakon što je u smislu odredaba člana 13. ZKP-a poučen o svojim pravima, izjavio je da je izvršio radnje na način i vrijeme kako je to opisano u dispozitivu ove presude, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje, uvjerenje suda je da je do priznanja krivnje došlo dobrovoljno sa razumijevanjem, da je optuženi svjestan svih posljedica i obaveza koje proističu iz priznanja krivnje te da postoji dovoljno dokaza o krivnji optuženog, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage i to: Standardizirani policijski izvještaj PS Tešanj broj F04-21-23-02133 od 31.12.2023. godine, Naredbu Općinskog suda u Tešnju broj: 39 0 K 073240 24 Kpp od 07.03.2024. godine, Odgovor BH Telecom Sarajevo broj: 01.3.3.2-62-375/24-1 F.Š. od 12.03.2024. godine, sa listingom poziva, Izvod iz kaznene evidencije za osumnjičenog PS Tešanj od 11.03.2024. godine, Zapisnik o ispitivanju osumnjičenog i zapisnici o saslušanju svjedoka, pa je nakon ocjene provedenih dokaza i utvrdio da je optuženi počinio radnje opisane u dispozitivu ove presude.

Nakon ocjene provedenih dokaza koje sud je cijenio svaki dokaz pojedinačno tako i u njihovoj međusobnoj vezi, te je utvrdio da je optuženi počinio radnje opisane u dispozitivu ove presude i da se u njegovim radnjama stiču sva bitna obilježja krivičnog djela Ugrožavanje sigurnosti iz čl. 183. st. 1. Krivičnog zakona Federacije Bosne i Hercegovine.

Oštećeni saslušan kao svjedok, a čiji iskaz sud je cijenio kao jasnim, iskrenim i logičnim, utvrđeno je da su pretnje optuženog bile ozbiljne da će napasti na njegov život ili tijelo, da su iste izazvale osjećaj uznemirenja, straha i nesigurnosti, kao i bojazan za život oštećenog i njegove porodice.

Da je optuženi bio svjestan svog djela i htio njegovo izvršenje, odnosno da je htio da ugrozi sigurnost oštećenog ozbiljnim pretnjama da će napasti na život i tijelo proizilazi iz činjenice da je koristio telefonski broj drugog lica, pa kako ne postoje okolnosti koje isključuju krivičnu odgovornost, za isto je i odgovoran, zbog čega je sud optuženog i proglasio krivim i osudio kao u izreci presude.

Prilikom odlučivanja o vrsti i visini krivično pravne sankcije, sud je cjenio na strani optuženog sve okolnosti koje su od značaja za odmjeravanje kazne. Od olakšavajućih okolnosti sud je našao da optuženi priznaje izvršenje djela koja mu se stavlja na teret, da je nezaposlen, a od otežavajućih okolnosti da je do sada osuđivan više puta kako uvjetnom osudom tako i zatvorskom kaznom, da je oštećeni zainteresovan za krivično gonjenje, pa je optuženog osudio na kaznu zatvora u trajanju od tri mjeseca, smarajući da je ova bezuvjetna kazna zatvora adekvatna težini krivičnog djela, kao i ličnosti učinioca i da će se sa izrečenom kaznom u potpunosti postići svrha kažnjavanja iz člana 7. KZ FBiH.

U smislu odredaba člana 202. stav 1. ZKP-a sud je optuženog obavezao na plaćanje sudskog paušala u iznosu od 50,00 KM, a koji je dužan platiti u roku od 30 dana od dana pravosnažnosti presude.

Na osnovu svega navedenog odlučeno je kao u izreci presude.

PRAVNA POUKA:

Protiv ove presude dozvoljena je žalba
Kantonálnom sudu u Zenici u roku
od 15 dana od dana prijema presude.

SUDIJA

Bekrić Hidajeta